

Premijeri će se sastati kako bi se pripremili za sastanak na temu Srebrenice



Prvi zamjenik visokog predstavnika Raffi Gregorian, danas se u Sarajevu susreo sa predsjednikom Inicijativnog odbora za posebni status Srebrenice Ćamilom Durakovićem.

Prvi zamjenik visokog predstavnika i gospodin Duraković razgovorali su o planovima OHR-a da ove sedmice organizira sastanak visokih zvaničnika iz vlada oba entiteta i sa nivoa BiH, na kojem bi se pripremio sastanak, kojeg će sljedeće sedmice održati visoki predstavnik a kome će prisustvovati sva relevantna tijela koja se bave poboljšanjem uslova u Srebrenici.

Visoki predstavnik Christian Schwarz-Schilling prošle sedmice najavio je da namjerava okupiti bosanskohercegovačke političke lidere i sve relevantne institucije kako bi se utvrdili praktični koraci koji se moraju poduzeti da bi se ubrzao proces koji vodi do pravde, osigurao održivi povratak te poboljšao kvalitet života u Srebrenici i okolini.

Poboljšanjem uslova u Srebrenici organi vlasti dat će prvi odgovor na ogromnu i goruću obavezu koju imaju prema žrtvama genocida.

“Srebrenica je poseban slučaj i ona mora ostati na vrhu prioriteta organa vlasti,” rekao je danas prvi zamjenik visokog predstavnika. “Moramo osigurati da politički lideri BiH budu svjesni posebne obaveze koju imaju prema Srebrenici, osobito kada je riječ o pravdi i sigurnosti” dodao je.

Prvi zamjenik visokog predstavnika i gospodin Duraković razgovarali su o sigurnosti građana Srebrenice koji trenutno

žive u šatorskom naselju u Sarajevu kao i onih koji su ostali u Srebrenici. "Oni koji su počinili ove zločine ne mogu ostati na slobodi; obruč se mora zatvoriti," rekao je danas prvi zamjenik visokog predstavnika.